



**Tobwaan Kiribati Bwatei
(TKB)**



TANETI MAAMAU

ARA MOTI N NANO

1. Kanoana

1.	Kanoana	1
2.	Te Moan Taeka	6
3.	Te Aroaro ao Te Anua (Core Values)	7
4.	Boto n lango (Motto)	7
5.	Ara Toko (Objectives).....	7
6.	Te Mwiokoaki ao Te Itiaki (Accountability/ Transparency)	8
7.	Kaubwain te Aba (Economy)	9
	Kantokan kaako (Freight Levy Fund)	9
	Karaian kaako (Handling)	9
	Kakean te taekiti (Tax Free Zone)	9
	Karikirake	9
	Tauan mwiin waare	10
	Te Tua ibukiaa Botaki ni Mwane (Financial Insitution Bill)	10
	Bangke (Commercial Bank)	10
	Ana Mwane n Tania Kiribati	10
	Kaubwain Abara	10
	Taian Mwane ni Karikirake (Development Funds)	10
	Te Mwane ni Mwakuri	10
8.	Te Karekemwane (Revenues).....	11
9.	Rabwatan te Tautaeaka (Public Sector)	12
	Babaire inanon te Tua ni Kammwakuri	12
	Te Bwakabwai	12
	Te Mwamwananga nako Tinaniku.....	12

Te kantoka ni motirawa (Leave passage).....	13
Te ririki ni motirawa man te mwakuri	13
Kataneaiaia te Roronrikirake nakon te Mwakuri	13
10. Te Reirei (Education).....	13
Aia reirei ataei ake 5 te ririki rikaaki	13
Te roo	14
Taan Reirei	14
Reitan aia reirei ataei nakon te katenrinan	14
Te katangomwane.....	14
Ataei ake a rianako rabakauia	14
Aia auti ma mwengaia taan reirei	14
Mwaitin te teei nakon te tia reirei.....	14
Katoamauan te reirei.....	14
Moanrinan n reirei	15
Komete n reirei	15
11. Te Onaoraki (Health).....	15
Kabuburaki ao kamwengaraoaki onaoraki	15
A na tobwaaki raoi aoraki.....	15
12. Te Akawa ao Kaubwain Marawa (Fisheries and Marine Resources)	
16	
TUC ma BTC.....	16
Aon aba	17
Ana Kambwana n Akawa Kiribati.....	17
Te Tararua ao Kamanomano	17
13. Te Ununiki (Agriculture).....	17

Taan ununiki.....	18
Te Aba	18
Iokinbwaian amwaraken Kiribati	18
Kabonganaan amwaraken Kiribati.....	18
14. Te Aono n Raina ao Rawaki (Line and Phoenix Group).....	19
Te Kamaeka n te Aono n Raina ma Rawaki.....	19
Karinan aban te Aono n Raina ma Rawaki n te Buraeki (Flag)	19
Te Itoman (Communication)	19
Kabonganaan Aaba ake Tuai ni Kabonganaaki	19
15. Rongorongo ao Itoman (Information and Communications)	20
16. Riin te Waaki (Infrastructure)	21
Bao ni Mwamwananga (Transport)	21
Te Uaabu	21
Kawai iaon Tarawa ao Abamwakoro	22
Marae ni Wanikiba	22
Buriiti ao Kootuei	22
Te Tiriba.	22
Taian Rawa	22
17. Bitineti (Private Sector).....	23
A na kaungaaki bitineti.....	23
Bitineti aika uarereke	23
Karaoan raoi mwiokoia bitineti	23
Kakorakoraan ao katamaroan DBK.....	23
18. Te Buoka nakoia Aaro (Church Grant).....	24
E na kabuburaki ao e na akea kabaebaeana.....	24

E na kaungaaki aia anganano Bitineti	24
19. Boon te Maiu (Cost of Living).....	24
E na kabuburaki te boo	24
Taan ibuobuoki n tararua te rau (Special Constables)	25
Te Iti ao te Ran	25
Te Kai n Tabui	25
Tiatianakin Boon Bwaai	25
Aia Mwane Kaara	26
Aia Mwane Mwauku	26
Aia Mwane Ataei	26
Te Onobwai	26
Te Takataka	26
Buokan Kaetan Bwaai.....	26
Kainakotinaniku ibukin mwenga	26
20. Te Takakaro (Sports)	27
Taabo n Takakaro ao Bwai n Takakaro	27
Kaungan te Roro ae uarereke	27
Te Runga	27
Kauaaba mai tinaniku	27
Kinakiia botaki n takakaro irouia aia rabwata n te aonnaba.....	27
Te tabo ni kataneiai ibukiia ana karianako Kiribati	28
Kanuanga nakoia taan takakaro	28
Kaungan te anganano mairouia Bitineti	28
Te angareirei i aonnaba	28
Kauaaba i tinaniku	28

Takakaro ibukiia mwauku.....	28
21. Riitin Aaba (Land Lease).....	28
Katamaroa ibukin taian riiti.....	29
Aia mwane n tania taan riiti	29
Tain bwakan te riiti n te ririki	29
22. Te Reitaki ma Aban Tinaniku (Foreign Relations).....	29
Katean Aobiti n Taabo ni Babaire	29
Karokoaia Aban te Aonnaba ma Rabwata i Kiribati.....	30
23. Buokan Kabutan te Waaki irouia Kauntira (Local Government)....	30
Tibwatibwaan taben te Tautaeka.....	30
Kakorakoraaki Tautaeka Inanoaa	30
Buokaia Kauntira	30
24. Te Kamwakuri (Employment).....	30
Te mwakuri i Tinaniku	31
Booia Ara Kaimoa	31
Mwakuri iaon Kiribati	31

2. **Te Moan Taeka**

N aran ara Uea ae Iesu Kristo, Kam na bane ni Mauri!

E kukurei Tobwaan Kiribati Bwatei ni karokoa inanon baimi ana Motinnano ma kanoana aika mwaiti, tabeua mai ibuakona aika boou reirei, ibukin te ‘bitaki’, n aron:

Boutokaia ataei aika uarereke, kakeaan te roo n te kauarinan man te koraki 4 nakon 6, booia Meeia ma Kauntira, boutokaia Aine ma te Roronrikirake, boutokaia Botaki n Aaro, taan Ababa, Kaimoa, ma taan makuri n te Tautaeka ma ana Kambwana ao a mwaiti riki.

Aio te ‘bitaki’ ni koaua are na kona n anganira te tobwaaki raoi, ao ni uarokoiria nakon karakaan riki te kabwaia, te marurung ao te mweraoi.

Te kaaitau ae bati nakoia ake a tia n makuri korakora ibukin katauraoran te boki aei.

E na tekeraoi te wareware ao te rinerine nakon 9 n Maati, 2016.

Te Mauri, Te Raoi, ao Te Tabomoa!

Taneti Maamau.

3. **Te Aroaro ao Te Anua (Core Values)**

Te bitaki ae na uotia Tobwaan Kiribati Bwatei bon te wakirake nakon te tamaroa riki. Ao te tamaroa e na riai ni waaki moa mairouia kaain te Bwatei ae e na oti n aroaroia ao anuaia.

- E na waaki Tobwaan Kiribati Party inanon kakaraoan te riai (right), te koaua (truth) ao te tobwa ae kororaoui (integrity).
- E na kakaraoa te kairiri ae e tamaroa (good governance) ao te waaki ae e itiaki (transparency).

4. **Boto n Iango (Motto)**

E korakora nanon Tobwaan Kiribati Bwatei ni karaoa te tobwa ae e aanaki n te koaua ao te tangira ao ni kakoroi bukin ana moti n nano ake e na angan te botanaomata. Ana boto n iango aio e na riki bwa ana kauring inanon ana tai ni waaki bwa ti na aki ti taekin ma ti na kakoroi nanoia.

- Ti Tobwaia Ti Karikirakea (We Serve We Deliver)
- Tobwaan Kiribati Bwatei e tauraoi n tobwaa Kiribati bwa e na rikirake inanon te kabwaia, te marurung ao te mweranoi.

5. **Ara Toko (Objectives)**

E kakouaa Tobwaan Kiribati Bwatei bwa inanon ana mwakuri n tobwa ao a bon riai n iai taian toko ake e na kakoroi bukiia inanon ana tai n waaki. Aikai tabeua mai buokan ana toko.

- Ti na kabura ieta ara Tua ae Maungatabu
- E na karimoaki nanoia ara botanaomata
- Ti na kabura ieta aia riai, inaomataia, ao kakanatoia kaain Kiribati
- Ti na tobwa ao ni kamanoa Kiribati
- E na maiuraoui te I-Kiribati
- Ti na karika Kiribati bwa te aba ae kamwengaraoui ao ni kamarurung

- Ti na kateimatoa ara katei ao rikiara n I-Kiribati

6. Te Mwiokoaki ao Te Itiaki (Accountability/ Transparency)

Tobwaan Kiribati Bwatei e kakoaua bwa a riai taan kairiri ni karaoi aia beku ma te kakaonimaki ao te mwakuri raoi ibukin te botanaomata. Ibukin kakoroan raoi te mwioko aio ao a riai ni karaoaki tua ake a na iraki nanoia irouia taan kairiri.



- E na totokoaki waaki n makuri buaka ao n aonikai nakon ana bwai te botanaomata
- E na karekeaki Tuan te Aroaro ibukia Taan Kairiri (Leadership Code)
- Ana kawaekoaki ni karaoaki ribooti iaon ana waaki nako te Tautaeka n taia aika a riai
- E na karinaki bwanaan te botanaomata bwa a na kona n buoka te aro ni babaire ao n tararua kaubwain Kiribati.

7. Kaubwain te Aba (Economy)

Tobwaan Kiribati Bwatei e na karikirakea ao mani kateimatoa te maiu raoi nakoia ana botanaomata man karikirakean ao tararuan kaubwain Kiribati ibukia ara roro ae tabe n rikirake.



Kantokan kaako (Freight Levy Fund)

- A na rinanoaki babaire iaon kantokan kaako ba aonga n aki katinanikuaki iai kain te Aono n Raina ma Rawaki
- E na rinanoaki ao ni katamaroaki rinanin kantokan kaako ao n reitaki ma bwaai ake a manenaki iai
- E na rinanoaki ao ni katamaroaki te kataumwane ibukin kantokan kaako (freight levy fund).

Karaian kaako (Handling)

- E na ti te tikina boon karaiaan kaako

Kakean te taekiti (Tax Free Zone)

- E na katauaki taabo ni karikirake are e na akea iai te angabai ibukin kaungaakiia riki taan karikirake mai tinaniku

Karikirake

- A na kaungaaki karaoan karikirake aika a na karaobwai man bwaai aika bon reke iaon Kiribati ao mai tinanikun Kiribati.

Tauan mwiin waare

- E na katamaroaki riki aron karekean, karaoan, kawakinan, ao kaotinakoan taian ware ma rongorongo man ni kabonganaki bwai n rabakau aika boou aika nakoraoi ao ni birimaka ao ni mano raoi (Excellent Management Information System)

Te Tua ibukiia Botaki ni Mwane (Financial Insitution Bill)

- E na karaoaki te tua are na tararuai rabata ake a tabeakina kabutan te mane

Bangke (Commercial Bank)

- E na kamatebwaiaki karokoan te bangke riki teuana.

Ana Mwane n Tania Kiribati

- E na roko maitin Ana Mwane n Tania Kiribati n te maiti ae \$1 Billion n te ririki 2020
- E na katamaroaki riki tararuakina ma kabonganakina

Kaubwain Abara

- E na kabirimakaaki rikiraken kaubwain Kiribati ba e aonga n tobwaki riki kainanon ara botanaomata
- E na kawaekoaaki karekean te kaubwai mai kabin marawa.
- E na karauaki n tirobaeaki raoi te VAT n te aro bwa e na aki karawawataa riki boon bwaai nakon te botanaomata.

Taian Mwane ni Karikirake (Development Funds)

- E na kamaitaki riki karekean mane ni buoka ao ni katamaroaki riki aron tararuakia iaan tuan te mwane ni kabane.

Te Mwane ni Mwakuri

- E na kamatoaki aron kabonganaan te mwane ni mwakuri n aron are baireaki bwa e na kaboganaaki iai iaan tuan te mwane.

8. Te Karekemwane (Revenues)

Ibukina ba e na butiraoui te waaki, ao Tobwaan Kiribati Bwatei e a tia ni motinnanoi ana karekemane n aron aika oti inano.



- E na katamaroaki ao ni kamatoaki riki aron tararuaan ao kamanenaan te Mwane n Tania n te aro ba e na kona n anga te raka ae tamaroa riki.
- E na kabatiaaki riki te mwane man te akawa.
- E na karekeaki ana kaibuke ni bwaa Kiribati are e na karokoa te bwaa ni kaibuke n akawa ao kaibuke riki tabeua ake a bubuti inanon ara marawa.
- E na kabirimwaakaaki riki wakinan anaakin ara kaubwai man ara marawa.
- A na waekoa ni wakinaki karikirake iaon te kaneweaba.
- A na kamaunaaki taian kataumane aika bakatae.
- E na kabuburaaki te kambwana n taoro i Kiritimati.
- E na karawataaki onon te Tautaeka man te PIPA.
- E na kabatiaaki onon te Tautaeka man taian kambwana aika e bwaibwai iai te Tautaeka.
- Karekemwane man aaba ake aaki kabonganaaki ake n te Aono ni Mainiku.
- Karekemwane man te kaneweaba.

9. Rabwatan te Tautaeka (Public Sector)

Tobwaan Kiribati Bwatei e tangira te waaki n tautaeka ae marurung man nakoraioi ao e konabwai ibukin tobwaaia taan mwakuri ao te botanaomata.



Babaire inanon te Tua ni Kammwakuri

- E na rinanoaki ao ni katamaroaki riki babaire ibukiia ana taan mwakuri n ana aobiti nako te tautaeka ni ikotaki ma ana kambwana nako n te aro bwa e na uarokoia riki nakon karikirakeaia ao bon karaon aia mwakuri nakon aia kabanea n tamaroa rinanon te tua ni kammwakuri.

Te Kataneiai (In-service Training)

- E na katamaroaki babaire bwa e aonga n akea te kakaokoroaki n te bwakabwai ao ni kaungaki te kataneiai irouia taanga nakon angaraoina.

Te Bwakabwai

- E na waekoa n tia te babaire ao ni kabonganaki iaon te tia ni boo mai inano n te aro ba e na tobwaki raoi aroia te botanaomata n te aro ae riai (aio e na kabonganaaki nakoia taan bitineti ni kabane)

Te Mwamwananga nako Tinaniku

- E na rinanoaki aron te mwamwananga nako tinaniku n aron riaiana ao angana bwa e na kamanenaaki raoi

Te kantoka ni motirawa (Leave passage)

- E na katamaroaki ao ni kateimatoaaki kabwakaan te kantoka ni motirawa nakoia taan makuri n te Aono n Raina ma Rawaki ni karinaki inanon te Tua ni Kammwakuri (NCS) ibukin tii karokoaia iaon Tarawa

Te ririki ni motirawa man te mwakuri

- E na motirawa te tia mwakuri man te mwakuri ngkana e roko n te ririki ae nimabwi ma nimaua (55).

Kataneiaia te Roronrikirake nakon te Mwakuri

- E na mwanenaki kataneiaia te roronrikirake ibukin waaki aika kakaokoro.

10. Te Reirei (Education)

Tobwaan Kiribati Bwatei e kakoaua ba te reirei bon kingin te rikirake ao te kabwaia ae riai n ribanaaki raoi ao ni kaungaaki man te roro ae uarereke, te moanrinan, te kauarinan, te katenrinan ao ni karokoaia ikawai. Tobwaan Kiribati Bwatei e na kaunga mani katamaroa aroia ma aia konabwai taan reirei.



Aia reirei ataei ake 5 te ririki rikaaki

- A na karekeaki booia ao aia kataneiai taan reirei n te preschool.

Te roo

- E na aki roo te teteei man Koraki 4 ni karokoa Koraki 6

Taan Reirei

- A na karekeaki booia taan reirei ni kabane n reirein Aaro
- E na karekeaki aia allowances taan reirei nikabane ake a bon riai n reke nakoia

Reitan aia reirei ataei nakon te katenrinan

- A na bane n reitaki aia reirei ataei ake a butimwaeaki nakon te katenrinan.

Te katangomwane

- E na katamaroaki te katangomwane are a na kona n tangomwane mai iai aia karo ataei ake a aki bwaati.

Ataei ake a rianako rabakauia

- A na kaungaaki ataei ake a rianako rabakauia (elite students) bwa a na nako n reiti aia reirei n reirei aika a kinaaki n te aonnaba.

Aia auti ma mwengaia taan reirei

- A na kataubobongaaki aia auti ma aia bwai ni mwakuri taan n reirei.

Mwaitin te teei nakon te tia reirei

- E na kakoroaki nanon te babaire iaon te PTR ae 1:25 ni moanrinan ao kauarinan.

Katoamauan te reirei

- A na karekeaki aia bwai n reirei ataei iroun te Tautaeka n ikotaki ma kantokaia nakon te reirei ao n okira mwengaia man te reirei.
- E na tobwaki aia kanganga ataein te reirei JSS man kaawa aika tionako.

Moanrinan n reirei

- E na karakaaki riki mwaitin Moanrinan n taabo ake a kainnanaoaki iai.

Komete n reirei

- E na reke kanuangaia (sitting allowance) kometen reirei

11. Te Onaoraki (Health)

Tobwaan Kiribati Bwatei e tangiria ni kateimatoa te marurung ao te korakora irouia te botanaomata man tobwaan ao katamaroan taian onaoraki, bain aoraki, baunaia aoraki, ao na riai n tamaroa te beku nakoia aoraki.



Kabuburaki ao kamwengaraoaki onaoraki

- A na kabuburaaki ao ni kamwengaraoaki onaoraki ake i Betio, Nawerewere, ao Kiritimati, ao e na kataubobongaki are i Tabiteuea Meang ibukin tobwakin aroia aoraki.
- A na kateaki riki ao n oneaki Clinics nakon bwaai n imatang (permanent) n taabo ake a kainanoaki iai.

A na tobwaaki raoi aoraki

- E na tobwaki kainanoia aoraki iaon bwaunaia, n onaoraki riki ake i Betio, Nawerewere, Tabiteuea Meang ao Kiritimati.
- A na katamaroaki riki tararuaan tuan te mauri.

- A na karawataaki riki Doctor bwa e na ira te babaire are tabangaki n te aonnaba.
- E na kanakoroaki tobwaan kanganga aika karina (emergency) ao ma ni kakaiaki (ICU).
- E na tobwaaki riki aia kanganga aine n aorakiia aika kamamate/tiritiri.
- E na katamaroaki aia beku ke services taan makuri.

12. **Te Akawa ao Kaubwain Marawa (Fisheries and Marine Resources)**

E kakoaua Tobwaan Kiribati Bwatei bwa te ika ao marin taari aika mwaiti bon oin maiura ao kaubwaira aika a riai n tararuaki ao ni karikirakeaki raoi ibukin kabatiaan ara karekemwane ao ara tania ni maiu.



TUC ma BTC

- E na kateaki te rabwata ibukin mwaketenakin konaia taan akawa iaon Tarawa are e na reke aroia iai taan akawa ao e na konaa ni boraai naba te ika nakoia te botanaomata
- E na kaboaki ngkai te ika n aron are kabonganaki ibukin te takataka

Aon aba

- Ana katauraoi bai n akawa ma rabakau n akawa are na konaa n rianako riki aron ana karekemane te tia akawa

Ana Kambwana n Akawa Kiribati

- E na kanakoraoki riki aron ana bwaibwai Kiribati n te KFL.

Te Tararua ao Kamanomano

- A na katamaroaki Tuua ao Babaire ibukin kamanoan kaubwain ara marawa.
- A na katokaki aekakin akawa ke kabonganaan bwai n akawa ake ana karika te kanganga nakon kaubwain ara marawa.
- Kanakoraon te reitaki ma aaba n te Betebeke ma tinaniku ibukin karikirakean kaubwain ara marawa.

13. **Te Ununiki (Agriculture)**

E kakoaua Tobwan Kiribati Bwatei bwa a riai kaain Kiribati ni kang uanikai, banikai, ao botonikai aika unikaki mai Kiribati ao man ni kaungaaki aia ununiki ibukin aia anga ni karekemwane ao ibukin anne ao e na kabatiaaki ana buoka te Tautaeka ibukin kabobetean bwaai aikai.



Taan ununiki

- A na kaungaaki taan ununiki
- E na buokaki boon uanikai
- A na uarokoaki aia karekemanē taan ununiki n aroia taan oroben
- E na reke te mwane ni buoka nakon mwenga ibukin aia bwai ni ununiki
- E na kaungaki riki te waaki ni ununiki irouia riki bon taan makuri n te ununiki ao ni kamarurungaki riki aia itera iaon abamakoro

Te Aba

- E na kabonganaki raoi te aba
- Kabonganān te aba are e a tia ni kaboaki i Fiji ibukin karikirake ake ana karekemanē ao ni manena ibukiia ara botanaomata

Iokinbwaian amwaraken Kiribati

- E na kaungaki te iokinibai iaon kaubwain abara aika maan ao uanikai imarenan Tarawa ma abamwakoro ao te Aono n Raina ma Rawaki ao Rabi.
- Ana kateaki mwakete ibukin kaungakin iokinibwaian amwaraken Kiribati.
- E na karekeaki te Kaoti Bwai iaon kaubwain abara inanon te ririki.

Kabonganaan amwaraken Kiribati

- E na kaungaaki maiuakinan kanakin amwaraken Kiribati.



14. **Te Aono n Raina ao Rawaki (Line and Phoenix Group)**

E na waaki Tobwaan Kiribati Bwatei n karokoi karikirake ake ana buoka kabirimwaakan rikiraken kaubwain Kiribati, ao ni kabebetei kangangan te tionako, ao ni karokoa te maiu raoi nakoia taan maeka n te aono aio.



Te Kamaeka n te Aono n Raina ma Rawaki

- E na rinanoaki riki aron te kamaeka iaon Kiritimati, Tabuaeran ao Teraina

Karinan aban te Aono n Raina ma Rawaki n te Buraeki (Flag)

- E na karinaki te Aono n Raina ao Rawaki ni buraekin Kiribati

Te Itoman (Communication)

- E na katamaroaki te itoman nakon te Aono n Raina ma Rawaki.

Kabonganaan Aaba ake Tuai ni Kabonganaaki

- A kona n riitinaki aaba aikai nakoia taan kan karikirakei.

15. Rongorongo ao Itoman (Information and Communications)

E kakoaua Tobwaan Kiribati Bwatei bwa e na riai n nakoraoi aron tibwatibwan te rongorongo ao te reitaki nakon te botanaomata iaon Kiribati ao te aonnaba.



- A na karoakoaki tarebon n aba nako iaon Kiribati ni kabuta riki ake a tuai roko iai
- E na kabonganaki te rabakau ae boou ae aranaki ba te e-government n te tai ae waekoa
- E na kamanoaki n te aro ae matoa te waaki n reitaki iaon te internet iaon Kiribati ni kabutaa (national internet security system)
- Ana kakerakeaki maitiia ma rabakauia taan mwakuri n te IT ibukin ana botaki ni mwakuri nako te Tautaeka
- E na karekeaki te Rabwata ibukin Rongorongo ma Kakaae Rongorongo (Information and Research Unit) are e na karekei rongorongo ao ni karaoi kakaae iaon bwaai aika a boou are e tangiraki karaoan te moti n nano (policy) iaona.
- E na mwiokoaki Ana Aobiti te Beretitenti bwa e na butimwaai tangitang mairoun te botanaomata ao ni karaoi nanoia ao e na anganaki mwaakana iaan te Tua.

16. Riin te Waaki (Infrastructure)

E kakoaua Tobwaan Kiribati Bwatei bwa riin te waaki ni karikirake ake a na bongana ibukin te botanaomata a mwaiti aika a bon tuai karaoaki ao ni katamaroaaki raoi. Tobwaan Kiribati Bwatei e na moanibwaia karaoan ao katamaroan karikirake aikai bwa e aonga n namakinaki ao n nooraki te rikirake iaon Kiribati.



Bao ni Mwamwananga (Transport)

- E na katoamauaki te Kambwana ni Kaibuke (KSSL).
- E na kamatoaaki kawain kaibuke nakon abamwakoro ni kabane.
- E na karekeaki te bao ni mwamwananga ibukin te botanaomata iaon te Aono ni Mainiku.
- A na kamatoaki tuan kamweraoia bwatintia iaon kaibuke
- E na karekeaki te wanikiba ibukin te kibakiba nako aban tinaniku

Te Uaabu

- A na karekeaki bwaai ni mwakuri ibukin karaoan te uruaki nakon taian uaabu
- A na katamaroaaki uaabu ake a kainanoa te katamaroa.
- A na karaoaki uaabu n taabo ake a kainanoaki iai.



Kawai iaon Tarawa ao Abamwakoro

- A na karekeaki bwaai ni mwakuri ibukin te karao kawai.
- A na karaoaki nakon ae e na teimatoa raoiroina n aron te korotaa.
- A na karaoaki taian reita ni kawai nakon mwenga

Marae ni Wanikiba

- A na karaoaki marae ni wanikiba nakon te korotaa
- A na karaoaki marae ni wanikiba n aaba ake akea iai.
- E na karaoaki te marae ibukin wanikiba aika bubura itinanikun Tarawa

Buriiti ao Kootuei

- A na karaoaki ao ni katamaroaki taian buriti ao kootuei n taabo ake a kainnanoaki iai.



Te Tiriba.

- E na waaki manga kamaiuan te Tiriba.

Taian Rawa

- E na moanibwaiaki karaoan taian rawa n akawa ao n roro n taabo ake a kainnanoaki iai
- E na teimatoa mwakuri ni katamaroa iaon taian rawa.

17. **Bitineti (Private Sector)**

Tobwaan Kiribati Bwatei e kina bwa te bitineti bon intinin te rikirake ao e riai ni kaungaaki man boutokaaki raoi ibukin rikiraken kaubwain ao katabangakin te kabwaia nakoia ara botanaomata.



A na kaungaaki bitineti

- A na kangaraoaki tuua ma babaire bwa a aonga n unga Taian Bitineti ni karaoa aia karikirake.

Bitineti aika uarereke

- A na kaungaaki ao ni boutokaaki bitineti aika uarereke.

Karaoan raoi mwiokoia bitineti

- A na kangaraoaki tuua ma babaire ibukiia Taian Bitineti bwa a na karaoa raoi tabeia ibukin te botanaomata

Kakorakoraan ao katamaroan DBK

- E na anganaki te DBK te mwane ae tau ibukin karikirakeaia taian Bitineti.
- E na katamaroaki ana waaki te DBK n te aro bwa e aonga n tobwai ana kanganga te Bitineti.

18. **Te Buoka nakoia Aaro (Church Grant)**

Tobwaan Kiribati Bwatei, e na kateimatoa te buoka nakoia botakin Aaro ngkai bon ngaiia taan utaboa te rikirake, te maeuraoi ao te rau nakon maiua te botan aomata.



E na kabuburaki ao e na akea kabaebaeana

- E na kabuburaaki riki ana buoka te Tautaeka nakoia Aaro n akea kabaebaeana.

E na kaungaaki aia anganano Bitineti

- A na kaungaaki bitineti bwa a na anga aia buoka nakoia Aaro.

19. **Boon te Maiu (Cost of Living)**

E kakoaua Tobwaan Kiribati Bwatei bwa e tabe n rikirake te kaokoro ni maiu iaon Kiribati ao e namakinaki ngkai te maiu ni kainano irouia ara botanaomata. Tobwaan Kiribati Bwatei e na moanibwaia tobwaan te kanganga aei n te aro bwa e na namakinaki keraken te maiu raoi irouia ara botanaomata ake a mena ngkai iaan te karinan ni maiu ni kainano.

E na kabuburaki te boo

- E na kabuburaaki riki booia taani mwakuri n te Tautaeka ao ana kambwana te Tautaeka.

Taan ibuobuoki n tararua te rau (Special Constables)

- E na kabuburaaki riki booia ma aia allowance Special Constables.

Te Iti ao te Ran

- E na karokoaki te iti are maiu man korakoran taai nakon taabo ake a kainnanoaki iai.
- E na karokoaki te ran ae itiaki nakoia kaawa nako.
- E na kabonganaki te mitiin ni karao ran ae maeu man korakoran taai ni katoaaki kaawan nako abamwakoron Kiribati ake a kainnanoaki iai.



Te Kai n Tabui

- E na kabuburaaki aia karin mwane taan mwakuri n te kaintabwi.
- E na karekeaki ana buoka te Tautaeka nakon aia birimwane kaimoa nakon te KPF n ikotaki ma taani mwakuri n te kiniuaanikai i tinanikun Kiribati nakon te KPF.



Tiatianakin Boon Bwaai

- E na kateimatoaaki tiatianakin boon bwaai n aron te raiti, te tioka, te burawa.

Aia Mwane Kaara

- E na kateimatoaaki ao ni katamaroaaki aia mwane kaara ao e na karinaki iaan te Tua ao e na katamaroaaki karokoana irouia (service ao delivery).

Aia Mwane Mwauku

- E na karekeaki te mwane ibukin maiuia mwauku ake a aki kona n rawe maiu.

Aia Mwane Ataei

- E na karekeaki te mwane ibukin buokan kamaiuraoaia ataei

Te Onobwai

- E na katamaroaki riki boon bwaai ni mwakuri ma te mwakuri n onobwai

Te Takataka

- E na raka boon te takataka nakon \$2 n te kg.



Buokan Kaetan Bwaai

- A na kaetaki taekan aia bwai ma aia mwane te botanaomata aika a tiku n tinetine taekaia n taabo ake a bae taekaia iai.

Kainakotinaniku ibukin mwenga

- E na karokoaki te kai n nakotaari (toilet) ni mweenga nako.

20. Te Takakaro (Sports)

Tobwaan Kiribati Bwatei e kina bonganan te takakaro ma karikirakean aia tarena taan takakaro ibukin kateimatoan te marurung te wanawana ao te mweraoi.



Taabo n Takakaro ao Bwai n Takakaro

- A na katamaroaki, ao a na kamwaitaki riki taabo n takakaro ma bwai n takakaro ibukin takakaro aika kakaokoro.

Kaungan te Roro ae uarereke

- E na kaungaki te taarena n takakaro man te roro ae uarereke.

Te Runga

- E na teimatoa te Runga ni katoa 2 te ririki ma ni karakaki ana ibuobuoki te Tautaeka nako iai.

Kauaaba mai tinaniku

- A na booaki taian kauaaba mai aban Tinaniku iaon Kiribati

Kinakiia botaki n takakaro irouia aia rabwata n te aonnaba

- E na ibuobuoki te tautaeka ibukin kawaekoan kinakiia botaki n takakaro ake a tuai kinaki irouia aia rabata n takakaro n te aonnaba n aron KIFA.

Te tabo ni kataneiai ibukiia ana karianako Kiribati

- E na kateaki te tabo ni kataneiai ibukiia ana karianako Kiribati iaon takakaro aika a eke iai ara taan takakaro

Kanuanga nakoia taan takakaro

- A na karekeaki kanuangaia ara taan kauaba i tinaniku ake a reke aia koorā, tirewa, ao buraonti.

Kaungan te anganano mairouia Bitineti

- A na kaungaki taian bitineti bwa ana ibuobuoki ibukin tobwaan ao kaungan takakaro.

Te angareirei i aonnaba

- A na kamwanangaaki taan kairiri n takakaro aika a kakaokoro nako aonaba ibukin karaoan te reirei nakoia kaain aonaba.

Kauaaba i tinaniku

- E na ibuobuoki te Tautaeka nakon kamwanangaia ana tiim Kiribati n takakaro n aekaia nako ni kaea te kauaaba itinaikun Kiribati.

Takakaro ibukiia mwauku

- A na karinaki mwauku inanon te waaki n takakaro.

21. **Riitin Aaba (Land Lease)**

E kakoaua Tobwaan Kiribati Bwatei bwa ngke akea te aba are a tei iai ana tabo ni mwakuri aika a kakaokoro te Tautaeka are a tobwaaki iai te botanaomata ao e na aki nakoraoui tobwaan te botanaomata. Aio are ai bon titebo naba ma aron nneia bitineti ma karikirake aika kakaokoro are ngke akea te aba are a kateitei iaona ao a na bon akea naba te kakamwakuri ae kona ni karaoaki. Aio are e a kateitei iai Tobwaan Kiribati bwa moan te kakawaki te tia ababa ibukin kabutan te waaki.

E kakoaua Tobwaan Kiribati Bwatei bwa e kakawaki te maroro ma taan ababa bwa e aonga n ataaki raoi kainnanaoia ibukin te rikirake.

Katamaroa ibukin taian riiti

- E na katamaroaki riitin aaba ibukin te maeka (residential) ao riitin aaba ibukin te karikirake (commercial) iaon Tarawa ao na uarokoaki ake iaon abamwakoro.

Aia mwane n tania taan riiti

- E na kamatebwaiakaki katean aia mwane n tania taan riiti.

Tain bwakan te riiti n te ririki

- E na katamaroaki te babaire iaon tain bwabwakan te riiti.

22. **Te Reitaki ma Aban Tinaniku (Foreign Relations)**

Tobwaan Kiribati Bwatei, e na kateimatoa te reitaki ma aban tinaniku ao rabwatan te aonnaba ake iai ara reitaki ma ngaiia ao n reitaki ma ake ti riai n reitaki ma ngaiia ibukin kabirimwakaan te rikirake.



Katean Aobiti n Taabo ni Babaire

- E na waaki katean aobitin Kiribati n taabo ni babaire n te aonnaba iaon Eurobe, te Aono n Atia ao ake a kainnanaoaki iai otin matan ao bwanaan Kiribati

Karokoaia Aban te Aonnaba ma Rabwata i Kiribati

- A na kaungaaki aban nako te aonnaba ao rabwata aika kakaokoro bwa a na katei aia aobiti iaon Kiribati

23. **Buokan Kabutan te Waaki irouia Kauntira (Local Government)**

E kakouaa Tobwaan Kiribati Bwatei bwa iai aia konabwai kauntira mai iaon Abamwakoro are e kona ni uataboa aron te tobwa ibukia te botanaomata ao e nooria bwa a na kakorakoraaki riki kauntira bwa a kona ni karaoi mwiokoaia ibukia botanaomata iaon abamwakoro nako.

Tibwatibwaan taben te Tautaeka

- E na rinanoaki ao e na manga kaungaki te waaki ibukin tibatiban taben te tautaeka nakon makorokoron nako Kiribati ma te Aono n Raina ma Rawaki

Kakorakoraaki Tautaeka Inanoaa

- E na kakorakoraki riki tautaeka inanoaa ni karikirakei abamakoro
- A na kaboaki Mayor ao Kauntira ao uarokoan booia taan makuri n te kauntira
- E na karakaaki riki aia allowance Taan Moti

Buokaia Kauntira

- E na karakaaki riki te buoka nakon ae bwainaki ngkai.
- A na karekeaki aia bwai ni mwakuri ibukin karaosan te kawai.

24. **Te Kamwakuri (Employment)**

E nooria Tobwaan Kiribati Bwatei bwa e mwaiti te aomata ae konabwai ma akea ana mwakuri. E nooria naba te bwatei aio bwa a aki tau mwaitin taabo ni mwakuri iaon Kiribati ngaia ae na beikutata Tobwaan

Kiribati Bwatei ni katei mwakuri iaon Kiribati ao i aban tinaniku ao ni karaoi kataneiai ma babaire are a na kona iai ara botanomata n roko iai.



Te mwakuri i Tinaniku

- E na kakorakoraaki te reitaki ibukin karekean mwakuri i tinanikun Kiribati ibukiia ara botanaomata.

Booia Ara Kaimoa

- E na kabanea korakorana Tobwaan Kiribati bwa e na rikirake booia ara kaimoa i tinaniku.

Mwakuri iaon Kiribati

- A na karaoaki karikirake iaon Kiribati aika a na mwaiti iai aia mwakuri ao te kabwaia nakon te botanaomata.



"Ti Tobwaia, Ti Karkirakea"